



14295

III


Mag. St. Dr.

P

bertus

Podziński Valent. Ioan. Cant. Iustus dolor
Eclesiam et Academiam ex nunquam satis
deplorando obitu - perstringens.

PANEG. et VITAE
Polon. Fol.
№. 338.



JUSTUS DOLOR
Ecclesiam & Academiam,

Ex nunquam satîs deplorando obitu

PERILLUSTRIS olim & REVERENDISSIMI
DOMINI

D. M. ADALBERTI
GRZYMAŁA,

Sacræ Theologiæ Doctoris & Professoris, ejus-
demq; Facultatis interea DECANI, Collegæ Ma-
joris, Ejusdemq; Collegii ac totius Universitatis SE-
NIORIS PATRIS, Ecclesiarum; Cathedralis Cra-
coviensis CANONICI, Collegiatae SS. OO. Craco-
viæ PRÆPOSITI, Contubernii Hierosoly-
mitani PROVISORIS.

Viri utrinq; optimè meriti,
Annorum & virtutum plenissimi,

PERSTRINGENS.

ac dum ei

In Ecclesia Collegiata Sanctæ ANNÆ C. ac.

Posthumum mæroris publici persolveretur obsequium.

Iugubri calamô

M. VALENTINI JOANNIS CANTII
PODZYŃSKI,

Philosophiæ Doctoris, Ejusdemq; ac in Classibus Novodvorskianæ
Pœdesos Professoris, Contubernii Hierosolymitani SENIORIS.

In vim æternæ gratitudinis & ultimi obsequii

EXPRESSUS.

Annô quô

Mors DeCorat CLaros, eX post est VIta perennls.

Die 29. Maji.

CRACOVIAE

In Typographia Seminarii Academico-Diœcesani.

Mors terribilis est iis, quorum cum vita omnia extinguuntur: Non, quorum laus emori non potest. Cicero.

Tota vitâ discendum est mori. Et nullius rei difficilius est scientia, quàm vivere. Seneca.

Sicut mali nascuntur, ut moriantur, sic boni moriuntur, ut vivant. Vir bonus, etiamsi moriatur, vivit, vir malus, etiamsi vivat, moritur. Guevarr.



PERILLUSTRI & REVENDISSIMO DOMINO

D. A N D R E Æ

de Postawice

A N K W I C Z,

In Alma Universitate Cracoviensi Juris Utriusq; DO-
CTORI, Ecclesiæ Cathedralis Cracoviensis CA-
NONICO in Szczucin & Mielec Præposito &c.

Perillustri Clarissimo & Adm. Reverendo Domino

D. M. MICHAELI

C Z Y R N I C K I,

In Alma Universitate Cracoviensi Sacræ Theologiæ Doctori
& Professori, Collegæ Majori, Insignis Ecclesiæ Col-
legiatae S. Floriani Custodi, in Opatowiec Præ-
posito, & Pobiedr Curato, &c,

Ultimæ voluntatis piæ defuncti,

EXECUTORIBUS INTEGERRIMIS.



Quem luctuoso nuper ex obitu meritissimi de Re
Literaria Patris concepistis dolorem, eundem
Vobis fidissimis ultimæ hujusce Viri voluntatis
Præstitibus æstimatissimo olim parentans Provisori, opere præ-
senti vitam Ejus merita & virtutes continente, in lenimen mæ-
roris offero. Perillustres, Reverendissime Dñe, Cla-
rissime ac Admodum Reverende Domine, ME-
CÆNATES AMPLISSIMI. Quum enim ve-
ro dignum laude Virum Musa mori non permittat, Isthic
profectò quæmetſi vivere jamjam desierat demortuus, quem
in pectore Vestrûm fovetis, etiam post fata vivus atq; super-
stes fore nusquam desinet. Non dubito Eum etsi secula mor-

te terris ereptum paratum apud Vos habere locum, cui superstiti amantissima Vestra corda & mentis sinceræ candorem pridem obtulistis, neq; verò eapropter id facio præsentem lugubres Vobis consecrans characteres, ut acerbissimum dolorem tantò acrius exacerbem, at ut secuturæ posteritati constet, quòquò modò Eum dilexeritis, quàmve Vobis gratus, atq; peramandus extiterit. Novi bellè quo prosequeremini solidam Ejus eruditionem, nominis & gloriæ decus illibatum, amore, quò certe meruit etiam post fata æstimari, legendus venturis sæculis tradi. Vivet vivet Ille in præsentis animo & amantissimis cordibus Vestris, qui immortalì vitæ vel ideo dignus erat, quòd in dimidium animæ suæ ejusmodi Vos Viros elegerit, quos celsitudo Sapientiæ, ac dotes virtutum Superis ipsis Amicos reddunt. Atq; jam præsentem beneficentissimis Vestrum dum lito manibus operam, atrum mærorem hunc, quem ex tristibus Viri Vobis Amici fatis præferitis, albò Cælum rependat calculò ad honorum culmina & vitæ longioris faustitatem. Ita precatur:

Perillustrium, Reverendissimæ, Clarissæ
& Adm Rdx, Dominationum Vestrarum, Mecænatum Gratissimorū

humillimus & obsequentissimus
Servus.

A. O.

Funestos mortis casus

quòd in decessu ferè quotidiano, imperitæ experimur plebis
quòd alios in ipso vitæ apparatu
alios in senectute vita destitui, cernimus,
quòd cæcam mortem inter juventam & senium,
minimè discernere animadvertimus,

non ita dolendum.

Perspectam enim omnes habemus moriendi legem.

Nam quisquis ad vitam editur, ad mortem destinatur.

Parcæ nemini unquam parcunt.

Communi illæ omnes æquant lege,
Potentes viribûs, robore languidos,
Eruditos, & minimè cultos,
audaces & timidos eidem includunt urnæ.

*Nemo est mane, qui fuit pridie.
Corpora nostra rapiuntur fluminum more,
quidquid vides currit cum tempore,
nihil ex his quæ videmus manet.*

Finis igitur vitæ omnium est unus, non tamen dolor.

Aliorum quippe memoria perennat,
aliorum vita oblivioni traditur.

Hinc est,

quòd eorum sæpè sæpius obliviscamur,
qui Ecclesiæ, & Patriæ,
bono communi, & caræ posteritati,
nihil unquam fecisse sunt visi,
Eos verò qui sibi satis,
gloriæ autem & desiderii Civium haud satis vixerunt,
Justo prosequimur dolore.

A

Non

Non hîc effingimus more eorum tristitiam,
*qui juxta Epictetum dolent, & exultant,
plorant, & lætantur plurimum.*

In luctu hilares,
ubi gaudiorum datur materies, luctuosi:
Dum dolent, se se fingunt Democritos,
dum gaudent, Heraclitos mentiuntur.

Aliud gestu, aliud vultu explicant,
aliud mente gerunt, & animô cogitant.

Plorant Parentum suorum fata filii,
at de Patrimonio relicto gaudent.

Quos labor nutrit, dolent super occasum Solis,
læti, quos somnus.

*Plerumq; tranquillitas est in animo,
& tempestas in oculis,
vultus ridet, at cor doloris procellâ obruitur.*

Alia nobis luctuûm materies & ratio,
Alius super Viris virtutibûs ac meritîs claris planctus,
aliàs justus habendus dolor.

Commune quidem omnibus fatum vivere;
non tamen ex omnium obitu justus dolor.

quippe:

dolemus alios naturali compulsi affectu, utî Cognatos;
alios vî gratitudinis adstricti, utî Benefactores;
alios vinculô amoris pertracti, utî Amicos,
sed eos duntaxat;
quorum tota in rectègestis vita constiterit,
dolemus justissimè.

Id

Id genus dolorem,
meruit de Ecclesia & Academia,
Superum favore, ac virtute propria,
Perillustis olim, & Reverendissimus Dominus,
D. M. ADALBERTUS
G R Z Y M A L A,

Sacrae Theologiae Doctor & Professor,
ejusdemq; Facultatis interea
DECANUS,

Collega Major, Ejusdemq; Collegii ac totius Universitatis
SENIOR PATER,

Ecclesiarum Cathedralis Cracoviensis
CANONICUS,

Collegiatae SS. OO. Cracoviae
PRÆPOSITUS,

Contubernii Hierosolymitani **PROVISOR.**

Qui non sibi, sed bono publico natus,
non sua, sed Ecclesiae Mystes pientissimus,

ACADEMIÆ
Pater Amantissimus,

CLIENTUM
Protector Amplissimus,

Commoda quærens, ita vixit;
Ut nunquam eum vivere poeniteret,
ita Ecclesiae & Academiae
totam suam vitam consecravit,
ut justo semper eum prosequerentur dolore.

Sanguine, ingeniô, prudentiâ, virtute,
celsus, sublimis, magnus, maximus.

Enimverò

Vir hic vera virtutum norma,
Vivum Sapientiæ simulacrum,
æquè boni, æquè honesti amans,
in quo habebant inferiores quod colerent,
pares quod amarent,
superiores quod laudarent,
universi quod mirarentur.

Primam ætatem non ludicris,
sed ludis Scholasticis impendit,
Pueritiam non jocos, sed pietati devovit;

bene gnarus,
alterum finè altero esse haud posse.

Non decet ministras Jovis Aquilas,

noctuarum consortio conjungi,

A tenero statim ungue Leo proditur.

Ita virtus ad sublimia nata, humilia nescit.

Cæpit ille ubi aliis finis erat,
& ubi satis gloriæ putabant existere:
Ille prima pietatis & scientiæ vestigia posuit.

Teneram proin ætatem excolendam

Musis Academicis præbuit,
à quibus virtutem & eruditionem edoctus,
intra Gentilitiam Portam latere noluit,
unde animus moræ impatiens, erupit extra portam,

Idest

Gemma extra conchylium ad Doctorem Coronam,

fortuna Familiæ, ad Jagellonicum manipulum

Dives virtutum gaza, ad Almam Matrem.

Ea-

Eàtenus

Laureæ Philosophicæ ingesserunt se ultro ejus Capiti,
Ut cum eo gloria ipsarū sit, non cuilibet vertici insedisse,
& ornarentur ipsæ, & ornarent.

Successere vota.

Accessit Laureis honor,
quòd tam eruditum verticem obsederint;
accessit capiti,
quòd quæ summos vertices ornant Laureæ,
in eo confederint.

Et quanquam
Laurea aliis à laborum æstu umbra est;
Ille ab otio semotus,
à secordia alienus,
quietis planè ignarus.

Vixit sub Laureæ operosus.

Nam ut sanguis visus, ad iram Elephantem
Milthiadis Trophæa, ad generosos actus Themistoclem,
sic Laureæ eum ad agenda fortia provocavit.

Non igitur sub lauru dormiit,
Sed in Academiam Lubranscianam destinatus Professor,
in Illustrissimum Posnaniense Capitulum obsequia,
in Juventutem eruditionem,
in Cives omnes profudit affectus.

Cos acuendis ingeniis,
exercendis speculum,

imitaturis vix imitandum exemplar datus.
Nobilî ingeniô corda Magnatum vicit,
vota Sapientum in se traxit,
ipsam Lubranscianam Pinum,

ut illi triumphi obeliscus esset,

ad suos flexit nutus.

Et non immeritò :

Alma enim Mater Universitas ;

Reducem non sinè vani ominis augurio cohonestavit,

Compensavit Ejus labores & merita,

ascensu ad minus Collegium Artistarum,

ubi Philosophiæ cursum ad mentem Aristotelis

docuit eruditè, & fideliter.

Veterum Philosophorum errores refutavit solidè,

Novatorum elisit & elusit fortiter.

Decanum in eodem Collegio ita quoq; gessit,

ut ornamento Academiæ,

plurimorum studiis commodo,

gratus, acceptusq; suis,

& Majoribus extiterit.

Assumptus ad Domum Majorem

non modò Aristotelem iterum interpretatus est doctè,

verùm etiam Princeps Artistarum evaserat.

Sanguineo sudore allexit purpuram,

ut gestaret,

gemmeo tinxit, ut ornaret.

Paucis post annis Cathedrā Theologicā ascendit,

& ut in naturalibus scientiis Aristotelem professus,

Sic in supernaturali à doctrina *Divi Thomæ* secessit minimè,

in docendo planus,

in arguendo subtilis,

in solvendo promptus,

in explicando facilis.

Sacrarum scientiarum Professor,

evolvit, quod in summa Theologiæ reconditum,

enucleavit, quod difficile,

explicavit, quod nodosum,

aliàs

Cursum Theologicum Speculativum,

Sa

Sacramentalem, & Moralem;
summo auditorum profectu extradidit.

Myſtes Optimus

bonorum Paſtorum forma,

Exemplar Cleri & idea

ut intaminatè vixit;

sic Eccleſias Zielonecenſem & Vetero-Korczynenſem
rexit prudentiſſimè.

in ornamentum ſuarum ſponſarum effuſus,

in commoda liberalis,

in uſus prodigus.

Erga oves affectu propenſus,

quod proprium Paſtorum eſt, effecit feliciùs,

ut oves propriæ Paſtoris vocem audirent,

eas pabulò Verbi Divini pavit uberrimè,

bonis præerat, & præibat exemplò,

errabundas cohortatione ad Chriſti reducebat ovile.

Erga ſubditos benevolentia plenus,

utpote qui ſibi dominari ſciverat.

Licèt honore ſublimis, ac Genere clarus,

ſimilem tamen ſe ſemper præbuit hominem.

Erga omnes affabilitate conſpicuus,

ad omnem bonitatem à natura compoſitus.

Acer tamen in vitia,

ut illa ipſe abhorruerit,

ſic ab eis non unum deterruit.

Sacrum Oratorem ita egit;

ut verbò Domini uteretur pro gladio,

ſcelera plecteret, ut ad virtutem inflecteret,

aſpera ſemper ſuaviter locutus,

vehementia leniſſimè.

Idcirco Doctoralis illi in Theologia creſcebat Laurea,

pro qua ut pro Troja Heſtor,

plurimìs annis in Cathedra Profeſſor decertabat,

ut eum ſinè ceruſſa commendabilem,

finè ostentatione celeberrimum;
finè stimulo operosissimum fuisse
nemo prorsus dubitaverit.

DOCTOR

in Sacra renunciatus Theologia,
Scientiâ supremâ non inflatus
gradu, quantumvis in Literis supremo, non elatus,
meritis licet grandibus, non turgidus.

Non, ut coaxantes ranae vivunt, vixit.

non, ut folles vento rapti, tumuit,

non, ut attollunt se inanes aristae, se extulit.

Quamvis maximos ingenio æquaverit,
attamen palmò se semper mensus est.

Eminendi cupiditatis nunquam avidus
honorem Theologicum ita præsetulisse visus est,
ut Majestas & virtus in eo, consedissee viderentur.

nempe:

firmatò ad omnia animò didicit:

*pulchrius exemplò morum eminere, quàm fascibus,
ingenti animò esse posse, absq; ingentibus fastigiis.*

Plerumq; enim inferiorem sese monstrat,

*quicumq; enim avidius apperit purpuram,
abnegatio honoris potissimum magnitudinis argumentum.*

Et quamvis

Viros Coronis & fascibus pares

Laurea Doctorali Theologica exornaverit, Decanus.
SOKOLOVIUM Cujaviensem Canonicum,
KRZANOVIVM Virum omnibùs numeris absolutum
STEPLOVIUM multoties Univ: Rectore amplissimū.

Jurium Academicorum vindicem accerrimum,
CZYRNICCIUM omni Scientiarū humanitatisq; genere
satis superq; conspicuum,

quem etiam intimis complexus amoribus

ultimæ voluntatis Executorem integerrimum habere voluit.

BIEGACZEVICIUM cujus olim in rebus agendis dexteri-
(tas) non

non tantum Principibus,
sed etiam ipsi Coronato Capiti
luculenter nota apparuit.

Sthoccium antiquæ Observantiæ Carmelitarum
Conventus adpræsens Arenensis Priorem Dignissimum,
verum vitæ religiosæ exemplar.

Aliosq; perplures,

Eis tamen honore præesse noluit.
Tutius parere, quàm imperare eligens,
non casum in sublimi timens,
sed videri recusans,

*Aurum quippe in terræ visceribus,
in abditis rupium adamas,
gemma in concha latet.*

Licèt verò

honorem fugeret summopere,
qui tamen ei debebatur justissimè
nescivit tamen diu delitescere in occulto.

Et hinc est:

quòd non tantum,
Inferioribus, Paribus, Majoribus,
venerationi, amorì, æstimationi,
verùm etiam primis, Principibusq; Viris
honori delicioq; fuerit.

Mirabantur sublimem illius eruditionem

Infulata, Infulandaq; capita,
& omni, qua par erat, eum prosequabantur amore.
Candorem, integritatem, sinceritatem,
Vitæ morum, factorumq; gravitatem,
satìs æstimaverat

Eminentissimus olim à Lipe LIPSKI,
S. R. E. Presbyter Cardinalis,
& Cracoviensis Episcopus, Dux Severiæ &c.
cujus cordi complacuit ita,
ut sola nonnisi morte avelli posset.

Ferebatur in ejus amorē non minori corde & pectore,
Celsissimus olim ANDREAS in Zatuskie ZALUSKI,
Episcopus Cracoviensis, Dux Severiæ &c.

Ut mirari deberes, an jurare posses,
vel horum Principum corda conspirasse in unum,
vel ejus cor unum, cor utriusq; fuisse.

Hinc virtute sua promovente,
concordibûs Patrum suffragantibûs votis,
aspirante Principis Celsissimi ZALUSCII favore,
in peraugustum Canonorum Cathedralium
Cracoviensis Ecclesiæ cooptatus & adscriptus Cætum.
Honorem hunc non prehendit violenter,
sed humiliter, licet sibi debitum, suscepit.

Ornatus Canonicali distinctoriô,
à communi cætû distingui noluit.
In sublimi coronatoq; Vavelli vertice positus,
humilitate nisi conspicuus esse curavit.

& quantò se superiorem sciebat,
tantò se gerebat submissiùs,
elevatus, nunquam elatus visus.

Collegiatae SS. OO. Præpositus,
nulli seivit præponi,

imò subjici omnibus gloriosissimum putavit.

Pedum gravissimò morbò pressus,
Viam recti honestiq; non excessit:

imò honore Doctorali sublimis,
fui verò æstimatione humillimus,

Doctorem nunquam recusavit conscendere Cathedrā
Pulchrum & decorum æstimans

*Virum strenuum Martis in acie mortem subire,
Doctorem in Cathedra.*

In lenimen doloris, quò premebatur,
Origenis in Jobum Commentarios, continuò versabat,
vel alienæ fortitudinis documentum sibi exemplo fore,
vel resignationis in voluntatem Dei merito habere cupiens.

*Reliqua decora utcunq; dediceris;
patientia nonnisi per exempla instillatur.*

Spartana virtus discitur non aliter.

*Non enim est illius felix navigium,
qui contra torrentem nititur.*

*Inaniter victoriam sperat,
qui fortibus resistit.
difficile ad metam pervenit,
qui ventis reluctantibus incedit.*

aliàs

Infelix ille, qui Dei voluntati morem gerere recusat.

Seniô fractus,

nihil de laboribus imminuit,

clarô vel in se ostendens exemplô,

nullis virtutem succumbere casibus.

Mortalitatis ad extremum non immemor,

nec vivere recusans, nec mori timens,

vivus adhuc testamentum fecit;

percepit Sapientiam, si quis tam securè moritur, quàm nascitur.

Nec alium ex vita ductorem nactus,

quàm JESUM, & hunc Crucifixum,

in Cujus piis osculis totus,

Annô ætatis suæ LXX. XI. Kalendas Junii

vivere desuit.

Virum Academicum LI.

Doctorem in Sacra Theologia XIX.

Canonicum Cathedralẽ Cracov: annis IX. egit.

Academiam semper doctis,

Ecclesiam sacris operibus cumulavit.

Utriusq; gloriam auxit meritis vivus,

Utriusq; dolores provocat extinctus.

Merito igitur

Ecclesiam & Academiam justus perstringit dolor,

multa ille tulit, sudavit & alsit:

multam meritorum jecit segetem,

multum gratitudinis promeruit fructum.

Æquè lugent Doctorem Cathedræ,

æquè deplorant sacrum Oratorem Exedræ,

squallent mærore, quas ornavit, *Aræ;*

suum deflent Sponsum Ecclesiæ,

lamentatur super obitu Senioris Patris

Alma Universitas,

Contubernium Hierosolymitanū ad meliorē redactū statū
Optimum lacrymatur Provisorem.

Porro omnibus,
quibus in vita solatio,
Justam doloris mensuram relinquit.
Nec tu partem doloris ejusmodi effugis,
quinimò testaris defuncto,
quod testabaris vivo.

ILLUSTRISSE & REVERENDISSE DOMINE

Dñe F R A N C I S C E

de Potkana

P O T K A N S K I,

Præsul Patarenfis,
Cracoviensis Officialis Generalis & Suffraganee,
quo eum in vita dilexisti pectore,
eodem ex oculis nostris sublatum, prosequeris,
dum animam ejus incruento Sacrificio

Deo Ter Optimo Maximo,

Sæculorum Regi immortalī,
perardenter commendas.

Hic ultimus idemq; summus extincto præstitus favor,
in Patrum & filiorum totius Universitatis,
haud unquam extinguetur cordibus.

Habuit vos primo cordis delicio,
habetis eum vicissim cordolio non mediocri

Perillustis & Reverendissime Domine

D. A N D R E A

de Postawice

A N K W I C Z,

Juris Utriusq; Doctor,
Canonice Cathedralis Cracoviensis,
in Szczucin & Mielec Præposite. &c.

Per-

Perilluſtris Clariffime & Admodum Rñde Dñe.

D. M. MICHAEL CZYRNICKI,

Sacrae Theologiae Dr. & Prfr. Inſignis Eccleſiae Collegia-
tae S. Floriani Clepardiae ad Cracoviam Cuſtos, in O-
patowiec Praepoſite & Pobiedr Curate.

Perilluſtris & Admodum Reverende Domine

D. VALENTINE KOBIERSKI,

Notarie Apoſtolice, Conſiſtorii Foranei Becenſis, in
Bączania Curate.

Ultimae voluntatis ejus Executores maſſiſſimi.

Magni ille fecit veſtrum candorem vivus,

dilexit animorum rectitudinem ſuperſtes:

& vos quantò dilexiſtis vivum,

tantò certè ferimini in amiſſum.

Imò magnus hic Academiae Pater,

ſicut vivus habuit amorem,

ita deſunctus in cordibus omnium habeat

& perennem gratitudinem,

&

Juſtum dolorem.



D

COL-

COLLOQUIUM

inter Ecclesiam & Academiam
super Obitu

PERILLUSTRIS olim & REVERENDISSIMI
DOMINI,

D. M. ADALBERTI
GRZYMALA,

Sacræ Theologiæ Doctoris & Professoris, ejus-
demq; Facultatis interea DECANI, Collegæ Ma-
joris, Ejusdemq; Collegii ac totius Universitatis SE-
NIORIS PATRIS, Ecclesiarum; Cathedralis Cra-
coviensis CANONICI, Collegiatæ SS. OO. Craco-
viæ PRÆPOSITI, Contubernii Hierosoly-
mitani PROVISORIS.

Acad. Cur tristem vultum præfers? quæ causa doloris?

Quæ Consolatrix tristibus esse soles.

Eccl. Ah cur non doleam, possimq; dolore carere,
Amisso Sponsò dum viduata gemo.

Ac. Ecquis erat Sponsus sic dilectissimus? à quo
Diffuis à lacrymis, Sponsa relicta gemens.

Ecc. Sponsus erat, lectus totis è millibus unus,
Quem mors è vivis invidiosa tulit.

Ac. Ah rem crudelem! sed quis fuit ille met? & quo
Distinctus titulo? quis fuit ejus honos?

Ecc. Tanquam nescires, studiosè quæris; & ille
Non mea, sed pariter pars tua magna fuit.

Ac. Hiccine? qui nuper subiit fatale sepulchrum?
Quem meus Ordo nimis, luxerat atque tuus?

Ecc. Hic est mæroris mihi maxima causa profectò,
Quem lugere satès cogit & ipse dolor.

Ac. Ah! ah! me potiùs dolor hic premit, atq; fatigat,
Causa mihi major (crede) doloris adest.

Major

- Ecc.* Major causa mihi : nam Sponsus quādo recessit,
Sponsa relicta gemens, tristia fata cano.
- Ac.* Ast ego plus doleo, nam plures perdit in uno,
Patronus, Doctor, propitiusq; Pater.
- Ecc.* Et mihi sic plures : Sponsus quia non mihi solūm,
Tutor erat viduis, pauperibusq; Pater.
- Ac.* Sed mihi mors ejus fit maxima causa ruinæ,
Namq; meæ fuerat firma Columna Domus.
- Ecc.* Est mihi quid timeam, grex ne sit præda luporū,
Is quia prudenter rexit ovile meum.
- Ac.* Ast ego desolata, Patris post funera, vitam
Non vitam reputans, orphana nata fleo.
- Ecc.* Et mihi nunc vitæ pars non postrema minuta,
Dum Sponsus moritur, dimidiumq; mei.
- Ac.* Squallida progredior tetro vestita colore,
Dum cecidit capitis pulchra corona mei.
- Ecc.* Sic & ego squallens lugubres occino cantus,
Nam fuit hic meritis honos, atq; corona mea.
- Ac.* Hinc (ut jam video) dolor idem vexat utramq;
Quo tu pressa manes, hoc perimente premor.
- Ecc.* Est eadem ratio luctus, eademq; doloris.
Quando par ratio; par quoq; mæror erit.
- Ac.* Ambæ quid tandem præstare valebimus illi?
Utraq; quem gessit sic in amore suo?
- Ecc.* Non ego desistam suspiria mittere Cælo,
Ut sit ei requies in Regione Poli,
- Ac.* Ast ego transcribam fastis durantibus acta,
Ut semper vigeat fama perennis ei.





Biblioteka Jagiellońska



stdr0021944

